

四庫全書

集部

欽定四庫全書

集部

范太史集卷五十一至五

詳校官 庶吉士 臣 何道沖

檢討 臣 何思鈞 覆勘

總校官 進士 臣 楊懋珩

校對官 中書 臣 嵇承志

謄錄 監生 臣 蔣錦城

欽定四庫全書

范太史集卷五十一

宋 范祖禹 撰

皇族墓誌銘

昭信軍節度處州管内觀察處置等使檢校司

空開府儀同三司贈太師追封崇王謚孝溫

墓誌銘

王諱宗瑗字君玉太宗之曾孫魯恭靖王之孫濮安懿
王第十三子英宗之弟也嫡母王三夫人王氏韓氏任

氏所生母耿氏以王貴封德國太夫人仁宗賜名補右
監門率府副率歷左清道率府率右監門衛將軍右領
軍衛大將軍右驍騎大將軍冀州刺史治平中英宗謂
輔臣曰朕自即位罕見都兄弟心實慊然宜以正官奉
內朝冀時得顧視遷真州團練使神宗踐阼遷憲州防
禦使改邕州觀察使三夫人改葬濮園王護喪如禮還
拜鎮寧軍節度觀察留後王兄濟陰郡王薨神宗臨奠
因詣濮王祠堂王與昆弟序班祠下神宗勞問甚悉遂

下詔曰因謁濮祠顧瞻諸伯叔父形容齒髮皆非昔日
深用惻然除崇信軍節度使封漢東郡王今上嗣位授
昭信軍節度使檢校司空開府儀同三司王性沈靜喜
愠不形於色器質渾厚容止莊肅雖疎賤必冠帶見之
而寬大無所不容居室器用不尚華侈衣服純素食無
珍異愛人好施振恤急難親族之貧者多賴焉英宗入
居儲宮委王調護神宗習之世務意甚勤切德國在堂
王祿未豐顯怡顏養志服御玩好凡可以順適其心者

罄其所有無所不為英宗雅稱王篤孝德國病逾歲王
晝夜省視席不安寢衣不緩帶灼臂禱請無所不至卒
不起居喪哀毀徒跣扶柩以至墓所表乞廬墓終制天
子雖奪情不許深嘉嘆之自德國薨不邇聲色獨居靜
處出侍妾數十人元豐中從幸瓊林苑命射一發中的
神宗稱賞賜與甚厚神宗不豫王處一室憂見于色外
人不得入者月餘聞宮車晏駕號慟不食感疾失語踰
年稍復自支常追懷神宗眷遇之厚雖久而哀不忘居

家歲時祭享必先期處別室齋潔累日然後行事恭恪
無少惰燕閒諸子侍左右教以忠孝皂隸有過必三犯
然後罰閨門上下雍睦嚴整宗室親戚多指以為法喜讀
左氏春秋歷代史書晚年無疾方食于正寢神色精明如
平日忽不語少頃而薨年五十有六實元祐三年五月
癸亥訃聞天子震悼輟視朝三日制服苑中哭之百官
慰于崇政殿門太皇太后同臨奠恤其孤恩意甚厚歸
賜賻別賜金帛加等贈太師追封崇王謚曰孝溫命入

內省押班梁惟簡內供奉官劉永年入內省高品季祁
護喪事六月甲午具鹵簿鼓吹出殯于城北乾元福聖
佛祠王先娶彭氏武昌軍節度使眷之孫女封英國夫
人今正室劉氏昭化軍節度觀察留後與之孫女封嘉
國六男曰仲伊右監門率府率早卒曰仲詰右武衛大
將軍永州

闕

譚曰仲諱皆右千牛衛將軍十女長壽縣主適東頭供
奉官任懷亮太康縣主適內殿崇班徐珪秀容縣主適

文思副使程達卒永寧縣主適西頭供奉官胡天經和
義郡君適西頭供奉官周軫卒遂寧郡君適右侍禁夏
悅同安郡君適左侍禁彭詢長樂郡君適右侍禁翟士
永文安郡君適右班殿直周涇次在室孫男十人士端
左班殿直士邁右班殿直士苛士碌皆卒士羅士仇右
班殿直四人未名女八人長早亡餘幼九年二月己酉
從太皇太后之喪葬於河南永安縣永裕陵之西銘曰
太宗諸孫安懿多子英宗承統藩國奉祀於穆崇王宗

邨稱賢治平之初有命自天帝曰嗟予伯仲叔季咸造
內朝以慰予志神宗嗣服濮屬攸尊大啓土宇並王而
藩惟是崇王協贊帝德英宗所託神考是翼上之光宅
惇敘九宗將旄相印益以附庸生有顯榮沒有令譽從
葬西陵利其後嗣

楚州防禦使楚國公贈奉國軍節度使夫人宋
氏墓誌銘

夫人宋氏開封人曾祖龜贈太師中書令尚書令祖臯

贈太師中書令尚書令譙國公考細西頭供奉官母張氏伯父綬參知政事年十七歸楚州防禦使楚國公世恩封永康縣君夫人奉舅姑恭順接娣如以和撫諸子均一元祐八年五月二十四日卒年五十有二八男曰令勳右武衛大將軍濠州刺史次未名而亡曰令璪右侍禁曰令勸曰令覲並左班殿直曰令庠右班殿直早卒曰令瑀左班殿直曰令剔右班殿直早卒九女長適故右班殿直宋安國次早卒次適右侍禁范湍卒次適

陳州司法參軍吳環卒次三人早卒次二人尚幼孫男
十二人子禔三班奉職子禔右千牛衛將軍襲封楚國
公子襪三班奉職子襪早卒子祿子稜子球子禮子琰
子禪未仕二人幼孫女十人四人早卒六人幼九年二
月己酉葬河南永安縣銘曰

遠矣宋氏有商之裔宋在今朝世德孔昭懿哉夫人終
始惟一載其令淑有銘斯石

左侍禁妻郭氏墓誌銘

君郭氏開封人後徙家許州今為潁昌人曾祖榮祖澄
贈左千牛衛大將軍考瓌左藏庫使母長安縣君李氏
君生數歲已能承順父母顏色既長喪父白其母曰不
幸早孤劬勞無所報惟是不嫁以終養母母兄不能抑
處室二十三歲宗室士臬聞其孝行嘆曰吾母亦寡居
歲久幼弟未昏若得此女為婦使娣如共奉甘旨豈不
善歟遣行媒力請于長安君長安君感其意奪君志而
嫁之遂適士臬弟左侍禁士焄贈虔州觀察使仲行第

三子也入見禁中賜霞帔服君既嫁果能事姑與兄公
恭恪盡禮閨門雍穆上下欣悅然未嘗須臾忘母思念
感疾元祐三年十一月十一日卒年二十有四一子後
三歲未賜名亦卒九年二月己酉葬河南永安縣銘曰
處為孝女歸為孝婦雖則有行終念其母銘以昭之純
孝之墓

右監門衛大將軍贈洺州防禦使追封廣平侯

墓誌銘

侯諱令攀字子高贈保靜軍節度觀察留後高平郡公
惟敘之曾孫贈同州觀察使齊國公從貺之孫耀州管
內觀察使世逸之子侯幼而奇警記誦文字一見如宿
習比既長嚴于禮法動靜周旋容止必肅衣冠必正母
和義郡夫人疾篤醫有難色公刲股為羹以進母疾隨
愈仁宗為育宗子聞侯幼敏賜以飛白小字宗室榮之
初賜名補太子右內率府副率歷右監門率府率千牛
衛將軍右監門衛大將軍元祐五年某月甲辰卒年三

十有六娶李氏皇城使詵之女封仁壽縣君三男曰子安三班奉職早卒曰子舊右班殿直曰子宏三班奉職四女長適石州司錄參軍吳德言三人幼九年二月己酉葬河南永安縣銘曰

廣平早慧仁祖所知既長克孝以禮自持玉韞于櫝其卒不施

廉州防禦使贈感德軍節度使華國公墓誌銘
公諱仲歆字子威魯恭靖王之曾孫濮安懿王之孫濟

陰榮王宗輔之子母惠國夫人裴氏少自刻厲不狃驕侈翹然秀穎見者不敢待以常兒及長循守法度上下無間言內外莫不加敬事榮王能順顏色怡聲氣喻之于道終王身無過行宗族以為有賢子之助王寢疾藥必嘗而後進病革刲股肉以饋王薨廬于殯卒哭而後返惠國太夫人薨時神宗山陵有日上與太皇太后遣內人弔臨公因復命號許願與王皆得從葬許之葬歸悉出王餘積陳于庭召諸弟子姓下至妾媵頒之無不

滿其意俸廩悉均分孤弱為置師友教育如已子諸子弟矜慎謙儉如寒素之士晚益清約所居一室蕭然終日服用不過繒布元祐七年二月乙卯卒年四十有三娶安定郡君康氏男四人右侍禁士閱右班殿直士暉士泰士竭九年二月己酉葬河南永安縣銘曰
孔氏之門閔子克孝人無間言舉以為教公孝于親以睦族人有聞于宗是謂立身

右監門衛大將軍贈蘄州防禦使蘄春侯墓誌

銘

侯諱子買字漢翁萊州防禦使東萊侯從恪之曾孫武
寧軍節度觀察留後魯國公世規之孫襄州觀察使襄
陽侯令龜之子母和順縣君梁氏初賜名補右監門率
府副率歷右監門率府率右千牛衛將軍右監門衛大
將軍侯天資挺特不待教而有立初魯公未有冢孫得
侯甚喜故極愛之長而好學事親孝敬友于兄弟睦于
宗族雖生長富貴而有儒者之風或勉以換官吏部者

侯曰余重去親側如不得奉晨昏之養雖日受萬鍾不願元祐五年三月某日卒年三十有七娶杜氏封長壽縣君三男曰伯璵三班奉職二人及三女皆幼九年二月己酉葬河南永安縣銘曰

古之求仕不遠千里或以親屈捧檄而喜惟侯之孝不去其親南陔戒養今見其人

右監門衛大將軍墓誌銘

侯諱仲全字端玉曾祖元佐贈魏恭憲王祖允言安遠

軍節度使同平章事父宗說池州團練使祁國公母清
河縣君張氏初賜名補環衛官累遷右監門衛大將軍
仁宗不豫上表請灼臂以禱仁宗疾愈賜御書以旌之
輕財好施治第吹臺之東亭榭池閣雕飾甚麗圖書翰
墨環列左右當世知名之士間與往來曉音律尤善奕
棋通于工巧技藝之事元祐六年二月庚寅卒年六十
二娶陳氏封新安縣君先卒九男曰士雋右武衛大將
軍賀州團練使曰士琫右監門衛大將軍曰士貝早亡

贈右屯衛大將軍曰士黜右監門衛大將軍曰士儻士
適皆右侍禁士銳左班殿直餘幼亡十六女長早亡次
適左侍禁裴公謹次適內殿崇班周復古次適吉州司
理參軍王洌次適台州錄事參軍許求次適三班奉職
裴旣次適三班奉職曹叅三在室六人亡孫男十三人
不溢右監門率府率不惑右班殿直不愚未仕不磷三
班奉職不怍未仕不諂三班借職不佞不懼不華不危
不羣不疑不瀆皆幼孫女十人四早亡曾孫男二人女

二人長天次幼九年二月己酉葬河南永安縣銘曰
振振宗子侯多才藝灼肌請命忠簡于帝保其寵位以
没于世詒厥子孫繩繩善繼

蔡國長公主墓誌銘

神宗皇帝之第九女母曰武美人生于元豐八年正月
庚戌上即位為皇妹封嘉國薨于元祐五年正月壬辰
生六歲矣上輟視朝三日主性慧悟已能好書畫追封
蔡寧奉先資福院九年二月己酉祔永厚陵之西原銘

曰

易贊帝妹詩美王姬其位在中車服有儀英宗之孫神宗之子何彼穠華未斲而止

右監門衛大將軍嘉州刺史妻永安縣君向氏

墓誌銘

君向氏皇太后之姪女曾祖傳正贈太尉祖約贈工部侍郎考宗儒刑部員外郎君年十五適右監門衛大將軍嘉州刺史仲企性專靜寡言事舅姑勤孝溫謙敬慎

族人稱之為皇太后所親愛歲時賜賚有加及疾日遣
中人存問國醫診視元祐三年十一月癸丑卒年三十
有四太后遣中使致奠厚賻其喪十男曰士鏞曰士慮
曰士焞曰士諤皆左班殿直曰士澹次未名餘皆幼亡
女八人其壻三班奉職田有嘉施求三女未嫁餘皆幼
亡孫男三人孫女三人皆幼九年二月己酉葬河南永

安縣銘曰

作嬪于宗帝母所親宜其室家子孫誥誥遐不眉壽早

世隕身

右監門衛大將軍貴州刺史妻永興縣君程氏

墓誌銘

君程氏開封人曾祖懷亮左藏庫副使祖勳父祥供備
庫副使歸宗室右監門衛大將軍貴州刺史令話事舅
姑循法度以禮自防安素樂儉不喜紛華教子日督程
課敦序夫黨勤勞中饋盡斤奩具置書史以助其夫之
學有古賢女儆戒相成之風元祐六年三月癸亥卒年

二十有二男曰子傳三班奉職曰子僊三女長早夭
餘在室九年二月己酉葬河南永安縣銘曰

程伯休父宣王司武變彼宗婦克永其緒敬戒夙夜配
古賢女

右監門衛大將軍妻仁和縣君曹氏墓誌銘

君曹氏京師人曾祖詡贈比部郎中祖同文贈朝奉郎
父評右奉議郎通判潁州君事父母孝性尚儉素好讀
儒者書作五七言詩百有餘篇人多誦之其筆札亦精

妙父嘗曰此女所配宜得賢君子年十八歸宗室右監門衛大將軍仲魯濮安懿王之孫南康郡王之子夫婦相敬如賓其夫前室之諸子愛之不異已出者無少不均接內外親族以和莫不宜之元祐四年四月丁巳卒年十有九二男曰士徂左班殿直曰士傑右班殿直四女皆在室九年二月己酉葬河南永安縣銘曰

曹出于周叔鐸始封遙遙後裔有嫁于宗方結其縞早

閱厥容

右侍禁墓誌銘

君諱士珽字子輿鎮江軍節度使兼中書令郇國公允
成之曾孫華州觀察使華陰侯宗鼎之孫奉國軍節度
使申國良僖公仲嬰之子母金華縣君陳氏繼曰長壽
縣君魏氏君事親以孝聞卅歲知學既長博通羣書善
屬文美風儀材武過人尤長于射御初賜名授右班殿
直遷左班請補外官監軍器庫門累遷右侍禁監西京
商稅未赴元祐六年五月甲戌卒年二十有六娶曹氏

四男二人幼未名二人與二女皆早夭九年二月己酉
葬河南永安縣銘曰

男子之事禮樂射御詩美魯侯允有文武矯矯公子早
終令譽

右班殿直妻李氏墓誌銘

君李氏開封人五世祖昉相太宗曾祖昭述翰林侍讀
學士祖正卿贈朝議大夫父士彥朝奉郎母嘉興縣君
劉氏君夙喪父嘉興擇壻得其姊之子冀康孝王之雲

孫英州防禦使之子右班殿直子翔入見禁中賜霞帔
服君性淳和動有法則善書札通音律篤志于女功既
嫁以書札音律非婦事絕不復為專奉祭祀勤定省箴
續紉縫未嘗不親動必聽于其夫無所敢專隨夫監驛
于邢州享年二十元祐八年九月己亥卒于官舍二男
皆幼九年二月己酉葬河南永安縣銘曰

李氏家法未墜素風捨彼繁聲專此婦功潔薦蘋藻公
侯之宮

右屯衛大將軍妻吉安縣君楊氏墓誌銘

君楊氏開封人曾祖全美贈太師中書令兼尚書令邢國公祖崇勳贈太師中書令兼尚書令齊國公考宗識贈左衛大將軍母福昌縣太君趙氏君幼端重容止有法柔靜寡言長適右屯衛大將軍仲參敬其夫如賓事舅姑以孝聞屯衛早世君年始二十母憫其孀獨欲奪志而嫁之君泣而不許母憐其節不強也自是屏簪珥斥鉛華衣服無文采晨起掃一室薰潔誦佛書柔日必

齊素終老不厭褌兒未勝衣俾就學學書誦夜講日課
稍怠必嚴顏色而訓之族人或曰夫人有子單子名係
屬籍設不使知道學富貴可坐致何苦效寒素家急祿
養耶君曰生子不可不教吾獨一兒尤當力學以榮其
身惰而愚非吾之志也族人乃服君有兄曰中孚有弟
曰中良皆早卒藁殯未葬福昌君以為憂君捐斥奩具
珠玉服玩以相其費餘以賙族人之貧者福昌君卒君
號慕每哭衄血不止既葬以哀毀感疾病革子孫環泣

囑其子曰吾見若成立瞑目無憾矣元祐五年十二月
癸丑卒年五十男二人長未名而卒次士儷右武衛大
將軍慶州刺史一女早亡孫男四人不器三班奉職不
習右班殿直不憂三班奉職次未名孫女四人長適右
班殿直寇彥若三人幼九年二月己酉葬于河南永安
縣屯衛之墓銘曰

衛母七子不安其室邦人刺之凱風是作宋有宗婦二
十孀居之死靡他義殉其夫始為節婦終為賢母千載

之後當式其墓

范太史集卷五十一

欽定四庫全書

范太史集卷五十二

宋 范祖禹 撰

皇族墓誌銘

左班殿直妻楊氏墓誌銘

君楊氏曾祖延福左監門衛上將軍祖忠金吾衛大將軍父永保左侍禁母費氏年十八元祐五年正月適宗室左班殿直士諫十一月丙子卒君性柔和幼敏悟寡言笑在家孝父母愛之及歸趙氏勤共婦道閨門之內

上下皆得其歡心姑復愛焉九年二月己酉葬河南永安縣銘曰

之子于歸春冰未泮不臘于室良人哀嘆

右侍禁墓誌銘

君諱令注字景相贈彰化軍節度使舒國公惟忠之曾孫贈宣州觀察使從謹之孫貴州防禦使世恬之子母大寧郡君邢氏初賜名授右班殿直遷左班進右侍禁幼不好弄及長靜默寡言笑喜學論語孟子揚雄法言

皆畧成誦治尚書通大義讀史傳必反復詳洽然後進
不貪多務得而涉獵不精間則作詩以自適初調監河
南第二草場門公方二十吏卒以其未嘗更事皆易之
已而蒞事敏察無敢以欺始大畏服司農卿廉正臣操
下嚴急部吏鮮能可其意獨薦君之才文潞公一見器
之曰吾讀史愛漢唐宗子之賢子其勉之授光州監酒
稅未赴元祐六年十一月乙巳卒年二十有五娶曹氏
左藏庫副使備之女二男曰子穀三班借職次未名一

女在室君俸入無幾而輟之以延文士者常三之一及卒室無餘貲九年二月己酉葬河南永安縣銘曰

振振宗子學以入官工欲善事器利且完方升而隕如彼飛翰

右武衛大將軍鳳州刺史妻永安縣君郭氏墓

誌銘

君郭氏開封人高祖從義事漢為燕王曾祖彥昇左監門衛大將軍祖遵式左領軍衛將軍父昭簡內殿崇班

母長安郡君王氏繼曰長樂縣君王氏君年十六適右
武衛大將軍鳳州刺史令緝君在家事父母孝及歸鳳
州事舅姑如事父母鳳州昆弟衆多君上奉兄公下待
諸叔處娣姒和敬夫族長幼莫不稱之鳳州性疎財君
約已儉素奉養有節雖脂澤奩具金珠服玩往往斥以
佐用度助家費殆盡不以介懷元祐八年八月癸丑卒
年三十有五男曰子玉前監潁昌府舞陽縣酒稅曰
子稱三班奉職曰子懿早卒曰子珮三班奉職一幼未

名七女長適三班奉職王仲約次適三班借職潘絳次
早卒次在室次次二人幼九年二月己酉葬河南永
安縣銘曰

郭本姬氏二號之後世有顯人以及宗婦成夫之義不
以其富

右千牛衛將軍妻崇仁縣君高氏墓誌銘

君高氏曾祖繼忠四方館使榮州團練使贈左金吾衛
上將軍祖遵真內殿承制贈左驍衛將軍考士永文思

使君宣仁聖烈太皇太后之姪也年二十歸右千牛衛
將軍士紘事舅姑孝敬教子以義方喜讀儒書尤能翰
墨千牛力學應科舉家事悉以委君治有條理好調人
之急俸祿隨輒費盡不介其意常若有餘元祐五年二
月十一日卒年三十子男四人曰不矜早亡曰不遠三
班借職二人幼三女在室九年二月己酉葬河南永安
縣銘曰
姜任之族馬鄧之家賢淑有聞而壽不遐

右屯衛大將軍妻靜安縣君鄭氏墓誌銘

君鄭氏開封人曾祖守忠贈太師中書令兼尚書令謚
安毅祖惟懿贈左衛大將軍父佐內殿承制母趙氏君
嫁右屯衛大將軍令音封靜安縣君六年而屯衛卒元
祐四年五月十二日君卒年二十有九君歸屯衛為冢
婦敬事舅姑如事父母溫和謙謹喜愠不形于色居夫
喪晝哭夜止心內慘怛而奉舅姑貌常舒裕見者不知
其抱憂戚也三男曰子漸三班奉職次早夭曰子涓三

班借職孫男一人九年二月己酉葬河南永安縣銘曰
造次用禮企彼敬姜壽弗克永名則不亡

右監門衛大將軍妻永安縣君夏侯氏墓誌銘

君夏侯氏曾祖廷敏不仕祖仁訥安陸尉父緬右侍禁
君年十七歸右監門衛大將軍令蛻勤孝儉約夫族宜
之封永安縣君元祐元年四月二十日卒年二十有三
殯于金輝門外興教佛祠九年二月己酉葬河南永安

縣銘曰

柔惠且淑宜其公族胡嗇其年弗享終祿

右監門衛大將軍妻孫氏墓誌銘

君孫氏開封府助教惟道之女母張氏適右監門衛大將軍士稷性簡靜奉舅姑敬接娣姒睦長幼稱之嫁六年元祐二年三月二十三日卒年二十有一一男曰不屈三班奉職二女皆幼九年二月己酉葬河南永安縣

銘曰

坤道柔順陰德靜專無非無儀乃婦之賢

台州防禦使贈武康軍節度使追封崇國公墓

誌銘

公諱仲綰字公權魏恭憲王元佐之曾孫懿恭平陽王
允升之孫保寧軍節度觀察留後東陽公宗辯之子初
賜名授右內率府副率歷右監門率府率右千牛衛將
軍右監門衛大將軍右武衛大將軍雅州刺史侯少愿
慤寡言有成人風長而機警無他好燕居一室環列書
史凝塵滿席澹然終日每嘆曰宗室託肺腑坐糜爵祿

無補于時飽食煖衣喪其良心豈不惜哉由是盡心于學專治詩從師受易通大義是時朝廷屢詔選教官以教宗子有能通經術行誼修飭者以名聞公為舉首召試學士院以詩易對義中選拜開州防禦使遷衛州防禦使今上即位遷台州元祐三年二月戊子疾卒享年四十有七夫人王氏封永康郡君十二男曰士託右武衛大將軍汀州刺史曰士侔士春並左班殿直士併右班殿直卒餘早卒七女第三女適推官任寶賢餘早卒

孫男七人曰不諂曰不柔並三班奉職餘幼孫女三人皆幼九年二月己酉葬河南永安縣銘曰

維古公族溺于富貴宴安懷毒敗德速戾有斐宗子學以自修詒厥子孫以公以侯

贈蔡州觀察使汝南侯墓誌銘

侯諱令赫字民瞻冀康孝王之曾孫陳州觀察使淮陽侯之孫彰信軍節度觀察留後濟陰公之子太祖元子越王即侯之高祖康孝王國于冀特命立宮故子孫別

而屬于冀母張氏金華縣君侯初賜名授太子右內率
府副率歷右監門率府率右千牛衛將軍右監門衛大
將軍右武衛大將軍領冀州刺史幼而秀穎自異于羣
兒中或戲之則正色儼然笑語不妄記識敏悟四歲受
孝經六歲通論語七歲能為二韻詩喪父哀毀如成人
既長涉獵百家書能為文章事母尤篤孝奉諸兄敬順
為雁序齋日隸學侯每先至及退必最後金華君性嚴
治門內有繩法子孫諸婦皆畏憚侯有所規則能寬容

而納之元祐元年閏二月戊申卒年三十有九娶王氏
封永和縣君一男曰子瑜右班殿直三女皆幼九年二
月己酉葬河南永安縣銘曰

英宗建宗學廣教官神宗俾宗子得從科舉而公族彬
彬益向學矣如侯之美秀而文使之立朝廷豈不為名
卿才士大夫哉

右監門衛大將軍天水郡開國侯妻新安縣君

陳氏墓誌銘

夫人陳氏曾祖明之尚書駕部郎中祖易祠部員外郎
父祐之袁州分宜縣主簿適右監門衛大將軍仲全性
儉約衣服不為文繡飲食不務豐備祭祀不親以為不
恭四十餘年所求于夫者薄而施于人者衆室無餘貲
天水公延置門下皆宿師老儒夫人厚具供給故諸子
皆以藝業稱而諸孫亦舉進士事母李氏盡其力母年
九十有五而終棺槨衣衾如禮元祐四年三月甲午卒
年六十有二九男曰士雋右武衛大將軍賀州團練使

曰士琫右監門衛大將軍曰士貝早卒贈右屯衛大將軍曰士勳右監門衛大將軍曰士儻士道皆右侍禁曰士銳左班殿直餘幼卒十六女長早卒次適左侍禁裴公謹次適內殿崇班周復古次適吉州司理參軍王洌次適台州錄事參軍許球次適三班奉職裴阡次適三班奉職曹參三人在室餘六人亡孫男十三人不溢右監門率府率不惑右班殿直不愚未仕不磷三班奉職不怍未仕不諂三班借職不佞不懼不華不危不羣不

疑不瀆皆舉進士孫女十人六人幼四早亡曾孫男二人女二長夭次幼九年二月巳酉葬河南永安縣銘曰懿彼令德宜其侯宮澣濯是服粢盛以豐子孫振振詩禮之風

右武衛大將軍嘉州刺史妻同安縣君馬氏墓

誌銘

君馬氏京師人曾祖德韜贈左武衛將軍祖崇正贈左金吾衛上將軍父用舟贈右金吾衛將軍母萬年縣太

君武氏年十七適右武衛大將軍嘉州刺史士歸君沈
厚溫純簡靜嚴潔無侈靡之習姑馮翊君久病侍醫藥
積憂成疾未幾姑沒君執喪哀毀疾益侵元祐五年六
月己亥卒年三十八一男曰不晦三班奉職七女長適
左侍禁王治次適左班殿直宋齊次適太學進士張鉉
次適開封進士唐諳三人幼九年二月己酉葬河南永
安縣銘曰

馬氏之先蓋出司武命姓以官世不絕史惟此宗婦允

矣淑人致孝于姑而隕厥身

右監門衛大將軍達州刺史贈真州觀察使追

封常山侯墓誌銘

侯諱令擢字公秀冀康孝王惟吉之曾孫僖穆王守節
之孫彭城郡公世延之子母李氏崇仁縣君劉氏德興
縣太君初賜名補右內率府副率歷右監門率府率右
千牛衛將軍右監門衛大將軍達州刺史侯性質端重
眉宇軒秀自為兒時彭城公常竒之服公夫人喪號毀

過制治家治身皆有法度雖家人未嘗見其喜愠與伯
兄濟州防禦使令續友愛極于雍睦輕財重義俸入以
賙貧窶不問有無善騎射洞曉音律擊拂博奕皆妙然
未嘗縱以為樂書無所不觀觀輒記憶不忘至學官講
義則執經就列聳聽難問從橫不窮又復以訓諸子神
宗享太廟始擇用宗子執事侯首被其選元祐五年五
月乙丑卒年四十有四初娶王氏左藏庫使遵道之女
封壽昌縣君繼室曹氏文思使謹之女封長安縣君十

男長早夭曰子神右監門率府率曰子縉右班殿直曰子綱三班奉職曰子綸三班借職曰子綬曰子純曰子經曰子繹未仕其一幼亡八女長適右承務郎吳宰次適右班殿直張百常次適三班奉職張格卒餘在室一幼亡九年二月己酉葬河南永安縣銘曰

常山彬彬允武允文雖游於藝惟學之勤早世而隕其行有聞

漢州刺史本州防禦使贈保寧軍節度使蔣國

公墓誌銘

公諱仲革字景文魏恭憲王元佐之曾孫平陽懿恭王
允升之孫崇信軍節度觀察留後漢東郡公宗回之子
初賜名補太子右內率府副率三遷右監門衛大將軍
右武衛大將軍雅州刺史成州團練使舒州防禦使公
性敦厚謙恭喜愠不見于色與人交久而益敬居母隴
西郡君李氏喪毀瘠追慕請廬于殯室有司以無往例
不許公遣子姪詣相府懇請朝廷憫而從之後遂為例

奉朝請四十餘年未嘗有過失疏財好施親識或假貸皆不忍取恐傷其意客有獻詩者許贈以萬錢未與而客死客之子初不知他日召而與之曰是以為祭享之資庶不負我宿心也公無聲色之奉喜畜圖書葺舍館一室脩然左右經史游息其間仁宗嘗為飛白書又真書其名以賜之元祐五年八月己酉薨年五十有二娶李氏封同安郡君十三男曰士對右監門率府率卒曰士縱右武衛大將軍隴州刺史曰士憑曰士証皆右監

門衛大將軍曰士偃右侍禁曰士翀左班殿直曰士殫
右班殿直餘早卒九女長適西頭供奉官董价次適左
班殿直王子愈次適左班殿直孟滋卒餘五人亡一人
幼孫男十人不愚左班殿直不息不掩不倨不矜並三
班奉職餘五人幼孫女十二人長適左班殿直曹暉次
適進士董昌言四人早亡餘皆幼九年二月己酉葬河
南永安縣銘曰

臚臚婺公克顯于宗宗室濟濟婺公愷悌豈無貨色公

樂詩書豈無高位公有令譽延陵繫劍不倍死者公之
與人無愧前古年踰知命沒啓國封公多孫子其慶無
窮

右千牛衛將軍妻夏氏墓誌銘

君夏氏開封人曾祖竦贈太師中書令鄭國文莊公祖
安期龍圖閣學士考伯孫左朝議大夫母永嘉縣君任
氏適右監門衛將軍仲珣性溫仁柔克事姑以孝聞宗
族宜之屬疾久不愈戒其夫曰毋復以鍼藥煩我無益

也元祐五年正月戊子卒年三十女四人皆幼九年二月已酉葬河南永安縣銘曰

有夏之先實維如氏顯矣其族嬪于宗子令淑有聞弗克永世

贈洺州防禦使廣平侯妻王氏墓誌銘

夫人王氏京師人曾祖貴贈左衛將軍祖振海州團練使父從善內殿承制母長壽縣君張氏年十五適洺州防禦使士頴元祐元年七月己卯卒年二十有一一男

右班殿直女一人在室夫人在家孝于父母既嫁又能
孝事其姑性溫靜口不言人非尊屬稱之曰如老成
人九年二月己酉葬河南永安縣銘曰

婦道之勤如事父母孝敬風成弗克遐壽

右侍禁墓誌銘

君諱令璫字君寶贈昭信軍節度使英國公惟憲之曾
孫榮安僖王從式之孫贈崇信軍節度使譙國公世采
之子初賜名補右班殿直再遷右侍禁監陳橋鹽稅勤

于吏事元祐七年三月丙申卒年二十有五娶吳氏二男皆幼吳氏守義不嫁九年二月己酉葬河南永安縣
銘曰

哀哉王孫天不假年躬行于家有婦之賢

吉州刺史本州防禦使贈崇信軍節度使譙國

公墓誌銘

公諱世采字徽之曾祖楚康惠王德芳祖英國公惟憲
考榮安僖王從武初賜名補太子右內率府副率歷右

監門率府率右千牛衛將軍右監門衛大將軍右武衛
大將軍高州刺史右羽林軍大將軍茂州團練使和州
防禦使遷吉州性恭肅容貌嚴整每造朝進止可觀奉
祠陵廟多被選未嘗有失仁宗嘗書忠孝二字面賜之
嫡母高夫人早卒藁葬英公別塋榮王薨公表請遷祔
王墓竭力以奉大事宗室稱孝所生母李氏公未勝衣
被出轉徙失其所歸高夫人喪畢公勤惻哀疚形于寤
寐訪求得之封長壽縣太君歿贈安康郡太君姪令磋

早夭嗣續不立公為經畫後事躬視細務用度一出于
已人以為難公生于宗邸不喜紛華約身持法好施樂
善沒之日家無餘財諸子貸俸以畢襄事元祐四年五
月壬午卒年五十娶高氏供備庫副使遵憲之女封文
安縣君卒繼室以慶州經略使遵裕之女封崇安縣君
皆太皇太后之從妹也十七男曰令祁成州刺史曰令
祛寧州刺史皆右武衛大將軍曰令畫曰令岳皆右監
門衛大將軍曰令璋莊宅副使曰令懷右侍禁曰令鯨

曰令璜皆左班殿直曰令劉曰令稻皆右班殿直七人
亡曰令祝右內率府副率曰令璫令駮令騰皆左班殿
直曰令瑤餘二人未名而天女六人適康承益李諒李
誼薛恭之管泳並奉職一早天孫男十一人曰子禮三
班奉職早天曰子珪曰子愿曰子思皆右班殿直曰子
先曰子行曰子生曰子徊曰子珮皆三班奉職曰子告
曰子璵未官孫女十五人九年二月巳酉葬河南永安
縣銘曰

煜煜榮王克大其後公實似之忠孝兩有帝錫之書煥
若星斗惟其令名沒而不朽

右侍禁妻王氏墓誌銘

君王氏開封人曾祖克恭贈右監門衛大將軍祖有度
文忠副使父仲簡供備庫副使母永康縣君趙氏年二
十適右侍禁令顛不逮事舅事姑勤孝侍禁出補外官
得監虢州玉城鎮聞所治在深山窮谷間民居戶不滿
百而飲食服用皆無有君勉侍禁以清白泰然能安之

元祐七年八月甲戌卒年二十有八四男皆未名二女
長女與次男皆早卒九年二月己酉葬河南永安縣銘

曰

嬪于公族柔惠靜專勉夫以正維婦之賢

范太史集卷五十二

欽定四庫全書

范太史集卷五十三

宋 范祖禹 撰

皇族追封記

故魏王追封記

王諱

闕

英宗皇帝之第四子母宣仁聖烈太皇太后生

五歲仁宗賜名仲格授銀青光祿大夫檢校國子祭酒

行太子右內率府副率英宗為皇子王從居慶寧宮英

宗即位改賜今諱授金紫光祿大夫檢校太子賓客博

州防禦使封太寧郡公進拜耀州觀察使封鄆國公治平元年授檢校太保左衛上將軍二年南郊加檢校太尉神宗嗣位授同中書門下平章事武勝軍節度使封樂安郡王與仲兄今徐王乞解官服英宗喪下有司議不許英宗祔廟畢授興元尹山南西道節度使封高密郡王熙寧元年出就外傳南郊加特進賜功臣號崇仁保運四年出閣授保信保靜軍節度使封嘉王明堂加開府儀同三司功臣號翊戴七年南郊加功臣號同德

十年南郊加功臣號守正後罷功臣號元豐二年加賜
公使錢歲八千緡三年拜司空封曹王今上踐阼拜太
保武昌武安軍節度使封荆王贊拜不名五日一朝見
于宮中如見大長公主之儀神宗祔廟畢拜太傅武寧
鎮海軍節度使元祐元年賜親賢宅以居拜太尉真定
江陵尹成德荆南節度使王自熙寧訖于元豐累請居
外第避東宮神宗詔曰朕上承先帝順事兩宮顧豈以
子舍之嫌而有間天倫之愛終不許至是懇請今上不

得已乃許之三年七月戊申王薨于親賢宅西位之正
寢年三十有三比及殯二聖再臨喪再輟朝前五日後
一日太常考行守禮執義曰端博聞多能曰獻請以端
獻易王名九月甲寅出殯于西門之外王夫人王氏封
潭國十男孝哲右驍衛大將軍早卒贈博州防禦使博
平侯孝詒孝參孝奕孝騰皆團練使次早卒孝忱孝穎
孝愿皆大將軍團練使孝永大將軍七女長封永嘉郡
主六人幼王生而秀嶷長而穎異端重明粹孝敬悌順

伏膺儒學賓禮宮僚寬仁愛人出于天性在英宗時神宗以長子主器與徐王講學東宮王以幼子日侍宮中神宗既即政上奉兩宮下接二弟怡怡愉愉言必溫色必悅賜玉帶玉魚以表異于羣臣天下稱孝友王與徐王居東宮二十年日奉朝請問安兩宮園丘明堂五陪裸獻動容周旋無不中禮協心同德蕃屏帝室天下稱賢王今上恭已守成尊禮近屬太皇太后齊家治國內外肅穆王正身潔已慎靜而謙無毫髮之私天下稱朝

廷至公焉元祐八年九月太皇太后崩天子追惟先后
季子之愛哀王之早世薨落將以九年二月己酉從宣
仁聖烈之喪葬於永厚陵之北命臣祖禹誌王之墓臣
承詔既論次王之德行而銘之矣有司謂當刻石以表
神道昭示後世故又取其大畧而書之謹記

故鄧國長公主追封記

神宗皇帝元豐五年正月乙酉皇太妃朱氏生第八公
主于宮邸八年今上即位為同母妹封沂國長公主生

而溫懿既能言即穎悟性樂閒靜如老成人天資孝愛
神宗崩乳保初不使主知主覺而固問乃以實告哀不
自勝至忘寢食因感疾十月辛未薨年四歲時皇太妃
護神宗靈駕西行聞訃哀其聰哲而降年不永追封鄧
國九年二月己酉從宣仁聖烈太皇太后之喪祔于永
厚陵昔唐太宗晉陽公主五歲克孝慧而早夭太宗哀
之今鄧國四歲孺慕繼以薨隕加于晉陽一等矣臣承
詔序次本末刻石以表於墓謹記

故蔡國長公主追封記

神宗皇帝元豐八年正月庚戌後宮武美人生第九公主于禁中今上即位以皇妹封嘉國長公主六歲慧悟已能弄筆書畫好錦繡女功之事元祐五年正月壬辰薨上輟視朝三日追封蔡國殯奉先資福禪院九年二月己酉從宣仁聖烈太皇太后之喪祔于永裕陵之西原昔宣王考室感熊羆虺蛇之夢生男有室家君王之慶生女無父母詒罹之意以為周德之隆惟神宗誕受

帝祉天屬衆多蔡國始生六年幼有淑質而未及成肅
雖之美助召南之化豈非其命也臣承詔既為銘而納
諸壙又刻石以表于墓謹記

皇族石記

右武衛大將軍男墓記

右武衛大將軍漳州刺史士鯁第三男贈容州觀察使
普寧侯宗儒之曾孫贈同州觀察使馮翊侯仲盤之孫
母長壽縣君李氏元祐五年七月庚辰生八年九月癸

卯卒九年二月己酉葬河南永安縣謹記

贈感德軍節度使惠國敦孝公第三女墓記

贈感德軍節度使惠國敦孝公仲越第三女贈太師信
安僖簡王允寧之曾孫贈太尉韓榮思王宗諤之孫母
安定縣君楊氏治平四年正月己巳生元祐二年七月
甲申卒年二十有一九年二月己酉葬河南府永安縣
謹記

右侍禁女墓記

右侍禁士肇長女贈武寧軍節度觀察留後彭城郡公
宗彥之曾孫贈華州觀察使華陰侯仲寂之孫母元氏
元祐二年五月丙寅生明年七月丁巳卒始二歲九年
二月己酉葬河南府永安縣謹記

右內率府副率子右班殿直士捧墓記

右內率府副率仲需子士捧贈太師平陽郡王允升之
曾孫贈開府儀同三司鄭王宗惠之孫母張氏元豐八
年六月戊寅生元祐元年三月賜名授右班殿直六年

八月甲辰卒始七歲九年二月己酉葬河南府永安縣
謹記

右監門衛大將軍女墓記

右監門衛大將軍士綴第三女贈開府儀同三司鄭王
宗惠之曾孫右監門衛大將軍榮州團練使仲奚之孫
母仁壽縣君馮氏元豐七年七月乙卯生元祐二年正
月壬申卒始四歲九年二月己酉葬河南府永安縣謹
記

右武衛大將軍沂州團練使子三班奉職子淳
墓記

右武衛大將軍沂州團練使令甄子子淳武勝軍節度
觀察留後韓國公從藹之曾孫密州觀察使世雄之孫
母孝義縣君蘇氏熙寧十年十二月壬午生元祐元年
遇明堂賜名授三班奉職八年七月乙巳卒年十七九
年二月己酉葬河南府永安縣謹記

右監門衛大將軍女墓記

右監門衛大將軍士珥長女贈保寧軍節度使東陽郡
王宗悌之曾孫金州觀察使仲微之孫母曰永安縣君
黃氏元祐五年十二月戊午生元祐七年七月丙申卒
九年二月己酉葬河南府永安縣謹記

右監門衛大將軍男墓記

右監門衛大將軍士謁第二男贈保寧軍節度使東陽
郡王宗悌之曾孫金州觀察使仲微之孫母曰壽安縣
君李氏元豐三年四月壬寅生元祐三年六月乙酉卒

九年二月己酉葬河南府永安縣謹記

遂州觀察使男墓記

遂州觀察使仲碩第六男贈太師平陽郡王允升之曾孫贈保寧軍節度使東陽郡王宗悌之孫母曰遂寧郡君劉氏元祐元年二月癸酉生元祐三年十二月辛巳卒九年二月己酉葬河南永安縣謹記

右監門衛大將軍女墓記

右監門衛大將軍宗漢之女贈鎮江軍節度使追封丹

陽郡王守節之曾孫贈鎮海軍節度觀察留後追封北海郡公世符之孫母曰秀容縣君劉氏元豐元年十月十六日生元祐四年五月二十九日卒年一十二歲九年二月巳酉葬河南府永安縣謹記

右監門率府率第三女墓記

右監門率府率仲適之女贈太師尚書令兼中書令追封定王允良之曾孫蘇州觀察使吳國公宗絳之孫母曹氏元祐四年三月十八日生是年八月二十八日夫

年一歲九年二月巳酉葬河南永安縣謹記

右監門衛大將軍女墓記

右監門衛大將軍士褒第二女贈華州觀察使華陰侯

宗鼎之曾孫贈

閔

公之孫母長安縣

君張氏元豐三年三月甲子生元祐八年九月庚辰卒
九年二月巳酉葬河南永安縣謹記

密州觀察使之女墓記

密州觀察使世雄第十二女贈彰化軍節度使舒國公

惟忠之曾孫武勝軍節度觀察留後韓國公從藹之孫
母同安郡君錢氏元豐三年二月壬午生元祐四年五
月丙子卒九年二月己酉葬河南永安縣謹記

右千牛衛將軍子右班殿直士瑒墓記

右千牛衛將軍仲琨長子士瑒贈太師平陽郡王允升
之曾孫贈保寧軍節度觀察留後東陽郡公宗辨之孫
母安福縣君沈氏元祐元年六月戊申生其年十一月
賜名授右班殿直五年八月己亥卒始五歲九年二月

已酉葬河南永安縣謹記

右金吾衛大將軍漳州防禦使之女墓記

右金吾衛大將軍漳州防禦使令瓊第三女萊州防禦使東萊侯從恪之曾孫武寧軍節度觀察留後魯國公世規之孫母曰延安縣君李氏熙寧三年十二月壬戌生元祐五年十一月己卯卒九年二月己酉葬河南永安縣謹記

右監門衛大將軍之女墓記

右監門衛大將軍令想之長女贈鎮江軍節度使追封
丹陽郡王守節之曾孫贈鎮海軍節度觀察留後追封
北海郡公世符之孫母曰秀容縣君劉氏元豐元年十
月丁巳生元祐四年五月戊戌卒九年二月己酉葬河
南永安縣謹記

右監門率府率之女墓記

右監門率府率仲道第二女贈太師尚書令兼中書令
追封定王允良之曾孫蘇州觀察使吳國公宗絳之孫

母曰曹氏元祐四年三月己丑生是年八月乙丑卒九年二月己酉葬于河南永安縣謹記

右監門衛大將軍之女墓記

右監門衛大將軍令想第四女贈鎮江軍節度使追封丹陽郡王守節之曾孫贈鎮海軍節度觀察留後追封北海郡公世符之孫母秀容縣君劉氏元豐八年十月庚辰生元祐三年閏十二月丙寅卒九年二月己酉葬于河南永安縣謹記

徐王第四男嘉州團練使贈感德軍節度使永
國公墓記

皇叔徐王之第四子嘉州團練使贈感德軍節度使永
國公孝錫仁宗皇帝之曾孫英宗皇帝之孫庶母高氏
元豐八年三月丙辰生元祐二年八月乙未卒始三歲
九年二月己酉葬河南永安縣謹記

徐王第八女墓記

皇叔徐王之第八女仁宗皇帝之曾孫英宗皇帝之孫

庶母高氏元豐七年二月戊寅生元祐元年八月己酉卒始三歲九年二月己酉葬河南永安縣謹記

太子右內率府副率男墓記

太子右內率府副率仲洙長男士勳右班殿直平陽郡王允升之曾孫贈安化軍節度使開府儀同三司高密郡王宗達之孫母郭氏元祐四年九月戊寅生五年八月壬寅卒九年二月己酉葬河南永安縣謹記

右武衛大將軍康州團練使男墓記

右武衛大將軍康州團練使仲杵第五男士鶴右班殿
直贈鎮江軍節度使郇國公允誠之曾孫贈靜難軍節
度使追封新平郡王宗保之孫母長壽縣君李氏元豐
五年四月甲子生元祐六年十一月丁未卒九年二月
巳酉葬河南永安縣謹記

右武衛大將軍欽州刺史子三班奉職子振墓
記

右武衛大將軍欽州刺史令穆子子振保寧軍節度使

楚安僖公從言之曾孫青州觀察使北海侯世爽之孫
母樂壽縣君徐氏熙寧四年五月壬辰生遇明堂賜名
授三班借職遷奉職元祐六年十一月丁酉卒年二十
九年二月己酉葬河南永安縣謹記

范太史集卷五十三

欽定四庫全書

范太史集卷五十四

宋 范祖禹 撰

皇族石記

右武衛大將軍舒州防禦使第六子墓記

右武衛大將軍舒州防禦使仲篤第六子贈太師兼中書令濮安懿王之曾孫贈武寧軍節度使兼侍中彭城郡王宗衮之孫母壽昌縣君李氏元祐二年九月丁丑生四年七月丁闕卒始三歲九年二月己酉葬河南府

永安縣謹記

右監門衛大將軍第二子墓記

右監門衛大將軍仲戡第二子贈太尉兼中書令濮安懿王之曾孫贈武寧軍節度使兼侍中彭城郡王宗袞之孫母長壽縣君李氏元祐六年正月乙亥生其年九月辛卯卒九年二月己酉葬河南府永安縣謹記

右武衛大將軍舒州防禦使第七子墓記

右武衛大將軍舒州防禦使仲篤第七子贈太尉兼中

書令濮安懿王之曾孫贈武寧軍節度使兼侍中彭城郡王宗袞之孫母壽昌縣君李氏元祐二年十二月丙午生六年閏八月戊寅卒始五歲九年二月己酉葬河南府永安縣謹記

同州觀察使馮翊侯第十二子左班殿直令覲
墓記

同州觀察使馮翊侯世覃第十二子令覲贈建安軍節度使同安郡王惟正之曾孫同州觀察使馮翊侯從謹

之孫母壽安縣君夏氏熙寧九年二月癸巳生元豐三年遇同天節賜名授右班殿直八年十二月甲子卒始十歲元祐九年二月己酉葬河南府永安縣謹記

右武衛大將軍廉州團練使第三女墓記

右武衛大將軍廉州團練使令柯第三女贈陳州觀察使淮陽侯守約之曾孫贈彰信軍節度觀察留後濟陰郡公世長之孫母清河縣君張氏熙寧五年十月丁丑生元祐二年四月壬午卒年一十有六九年二月己酉

奠河南府永安縣謹記

右武衛大將軍昌州刺史第十三女墓記

右武衛大將軍昌州刺史令夫第十三女贈瀘州觀察使廬江侯守度之曾孫贈蘄州防禦使蘄春侯世宏之孫母長壽縣君王氏元祐七年四月辛酉生明年十月癸酉卒始二歲九年二月己酉奠河南府永安縣謹記

前皇城副使長女墓記

前皇城副使令耦長女贈武勝軍節度觀察留後韓國

公從藹之曾孫贈定國軍節度使南康侯世綱之孫母長安縣君劉氏元豐元年六月丙午生元祐五年七月庚辰卒年三十九年二月己酉葬河南府永安縣謹記

右監門率府率子右班殿直士佖墓記

右監門率府率仲擴子士佖相孝定王永弼之曾孫司空南陽郡王宗喬之孫母夏氏元祐二年十一月壬子生其年遇興龍節賜名授右班殿直五年六月甲寅卒始四歲九年二月己酉葬河南永安縣謹記

右千牛衛將軍子不矜墓記

右千牛衛將軍士紘長子不矜贈安化軍節度使開府儀同三司高密郡王宗達之曾孫贈保寧軍節度觀察留後東陽郡公仲烈之孫母崇仁縣君高氏元豐二年六月丙午生元祐五年七月己丑卒年十二年二月己酉葬河南府永安縣謹記

右武衛大將軍昌州刺史第五子墓記

右武衛大將軍昌州刺史士岌第五子贈安化軍節度

使開府儀同三司高密郡王宗達之曾孫贈保寧軍節
度觀察畱後東陽郡公仲烈之孫母壽安縣君李氏元
祐四年四月癸丑生五年二月己未卒始二歲九年二
月己酉葬河南永安縣謹記

右武衛大將軍恩州防禦使第十女墓記

右武衛大將軍恩州防禦使仲篋第十女贈鎮江軍節
度使兼中書令郇國公允成之曾孫贈虔州觀察使南
康侯宗仁之孫母同安縣君焦氏元豐八年二月己丑

生元祐五年九月己卯卒始六歲九年二月己酉葬河南府永安縣謹記

右監門衛大將軍康州刺史第六子墓記

右監門衛大將軍康州刺史仲弓第六子贈鎮江軍節度使兼中書令郇國公允成之曾孫贈虔州觀察使南康侯宗仁之孫母嘉興縣君杜氏元祐二年十月乙酉生六年閏月甲戌卒始五歲九年二月己酉葬河南府永安縣謹記

右監門衛大將軍第二子墓記

右監門衛大將軍令蕭第二子贈鄧州觀察使南陽侯
從贄之曾孫贈保康軍節度觀察畱後吳興侯世經之
孫母壽安縣君史氏元豐八年七月乙卯生元祐八年
十月壬申卒始九歲九年二月己酉葬河南府永安縣
謹記

右武衛大將軍康州團練使第六男墓記

右武衛大將軍康州團練使仲杵之第六子曾祖郇國

公允成祖新平郡王宗保母長壽縣君李氏元祐四年
九月甲戌生十二月丙辰卒九年二月己酉葬河南永
安縣謹記

右千牛衛將軍第二女墓記

右千牛衛將軍仲鋸之第二女曾祖定王允良祖左金
吾衛大將軍雄州防禦使宗蘭母崇德縣君魏氏元祐
二年十月癸卯生明年閏十二月戊辰卒九年二月己
酉葬河南永安縣謹記

右監門率府率長女墓記

右監門率府率仲禎之長女曾祖永嘉郡王允迪祖祁州防禦使宗粹母賈氏元祐五年九月庚辰生七年三月乙未卒始三歲九年二月己酉葬河南永安縣謹記

右千牛衛將軍第二女墓記

右千牛衛將軍令瓚之第二女曾祖贈同州觀察使追封馮翊侯從謹祖贈崇信軍節度使追封榮國公世程母福昌縣君李氏元祐四年五月丙申生五年七月甲

戊卒九年二月己酉葬河南永安縣謹記

右武衛大將軍舒州防禦使第四女墓記

右武衛大將軍舒州防禦使仲篤之第四女濮安懿王之曾孫贈武寧軍節度使兼侍中追封彭城郡王宗衮之孫母壽昌縣君李氏元豐戊午九月丙申生元祐七年四月辛未卒年一十有五九年二月己酉葬河南永安縣謹記

潤州觀察使第八男右班殿直墓記

潤州管内觀察使仲侗之第八子右班殿直士騎濮安懿王之曾孫贈康王宗樸之孫母安定郡君劉氏元祐元年五月己未生初賜名授右班殿直八年七月甲辰卒僅八歲九年二月己酉葬河南永安縣謹記

潤州觀察使第十一女墓記

潤州管内觀察使仲侗之第十一女曾祖濮安懿王祖贈康王宗樸母安定郡君劉氏元豐辛酉四月甲戌生元祐七年六月甲寅卒年一十有二九年二月己酉葬

河南永安縣謹記

潤州觀察使第十二女墓記

潤州管內觀察使仲佺之第十二女濮安懿王之曾孫
贈康王宗樸之孫母安定郡君劉氏元豐辛酉十二月
庚戌生元祐六年閏八月甲申卒年一十有一九年二
月己酉葬河南永安縣謹記

英州防禦使第八女墓記

英州防禦使令蘧之第八女贈陳州觀察使追封淮陽

侯守約之曾孫贈鎮海軍節度觀察留後追封北海郡
公世靜之孫母劉氏封德安縣君元祐六年九月癸丑
生明年正月癸卯卒九年二月己酉葬河南永安縣謹
記

右監門衛大將軍英州刺史第六男墓記

右監門衛大將軍英州刺史仲弗之第六子曾祖郇國
公允成祖虔州觀察使南康侯宗仁母永和縣君錢氏
元祐三年七月丁卯生四年十二月乙丑卒九年二月

已酉葬河南永安縣謹記

右千牛衛將軍第三男墓記

右千牛衛將軍士綏之第三子曾祖武寧軍節度觀察
留後宗嚴祖右屯衛大將軍仲商母安福縣君吳氏元
豐七年九月戊戌生元祐五年七月癸未卒年七歲九
年二月已酉葬河南永安縣謹記

右監門衛大將軍三班奉職墓記

右監門衛大將軍令垆之子子濟字道卿陳州觀察使

淮陽侯守約之曾孫鎮海軍節度觀察留後世靜之孫
母郭氏永睦縣君君七歲入小學通孝經論語試升中
學十歲下筆成章句十五通尚書欲舉進士會朝廷復
詩賦科君晝夜力學至忘寢食誦唐李程日五色賦奮
曰吾當如程取宰相供備庫副使高士華一見竒之愛
其好學許妻以女未及娶元祐七年六月戊辰卒年十
八歲一男襁褓九年二月己酉葬河南永安縣謹記

右監門衛大將軍男三班奉職墓記

右監門衛大將軍令課之子子琦字君玉寧國軍節度
觀察留後從審之曾孫安州觀察使世肱之孫母長壽
縣君杜氏繼母建昌縣君彭氏以父任為三班奉職始
就學論語孟子孝經皆能說其義為文詞有思致律令
亦通大槩教官稱之元祐三年四月己丑卒年十有九
疾革囑姚氏妹使勉其父母以殺哀節哭已乃自澡潔
衣朝服而逝得其遺札如所以語妹者聞者哀之九年
二月己酉葬河南永安縣謹記

贈崇信軍節度使男右班殿直墓記

贈崇信軍節度使譙國公世采之子令駭英國公惟憲之曾孫榮王從式之孫母崇安縣君高氏初賜名補右班殿直未娶元祐五年七月戊辰卒年二十有一九年二月己酉葬河南永安縣謹記

右武衛將軍興州團練使第七女墓記

右武衛將軍興州團練使仲旌之第七女贈太師平陽郡王允升之曾孫贈武寧軍節度觀察留後彭城郡公

宗彥之孫母和順縣君郭氏元豐八年三月辛酉生元祐七年正月壬辰卒年八歲九年二月己酉葬河南永安縣謹記

右監門率府率長女墓記

右監門率府率士讚之長女贈武寧軍節度觀察留後彭城郡公宗彥之曾孫右武衛大將軍全州防禦使仲集之孫母鄭氏元祐元年二月丁卯生二年七月戊辰卒九年二月己酉葬河南永安縣謹記

右武衛大將軍文州團練使長女墓記

右武衛大將軍文州團練使仲虢之長女贈太師平陽郡王允升之曾孫贈武寧軍節度觀察留後彭城郡公宗彥之孫母長壽縣君康氏元祐二年八月庚寅生四年四月辛丑朔卒年三歲九年二月己酉葬河南永安縣謹記

右武衛大將軍全州防禦使第九女墓記

右武衛大將軍全州防禦使仲集之第九女贈太師平

陽郡王允升之曾孫贈武寧軍節度觀察留後彭城郡
公宗彥之孫母崇安縣君張氏元祐三年十二月丙戌
生七年十一月乙未卒年五歲九年二月己酉葬河南
永安縣謹記

左侍禁之男墓記

左侍禁監蘇門鹽務令寤男子蟠贈宣州觀察使宣城
侯從謹之曾孫貴州防禦使世恬之孫母曰張氏年始
九歲元祐七年七月丙午卒九年二月己酉葬河南永

安縣謹記

右武衛大將軍興州團練使之男墓記

右武衛大將軍興州團練使仲厥第五男平江軍節度使兼侍中汝南郡王謚安懿贈太尉兼中書令追封濮王之曾孫寧遠軍節度使鞏國公之孫母曰長樂縣君康氏元祐六年六月壬寅生七年五月丁未卒九年二月己酉葬河南永安縣謹記

達州防禦使之男墓記

達州防禦使仲理第十二男平江軍節度使兼侍中汝
南郡王謚安懿贈太尉兼中書令追封濮王之曾孫贈
武寧軍節度使兼侍中追封彭城郡王宗衮之孫母曰
廣平郡君曹氏元祐二年三月己卯生元祐六年閏月
己酉卒九年二月己酉葬河南永安縣謹記

達州防禦使之男墓記

達州防禦使仲理第十二男平江軍節度使兼侍中汝
南郡王謚安懿贈太尉兼中書令追封濮王之曾孫贈

武寧軍節度使兼侍中追封彭城郡王宗袞之孫母曰
廣平郡君曹氏元祐三年三月癸酉生元祐六年閏月
丁未卒九年二月己酉葬河南永安縣謹記

南陽郡王之女墓記

南陽郡王宗喬第五女韓恭懿王元偃之曾孫定王允
弼之孫母曰安定郡君魏氏元豐六年二月庚午生元
祐五年八月丙午卒九年二月己酉葬河南永安縣謹
記

右領軍衛將軍男墓記

右領軍衛將軍仲訥之男士遣右班殿直贈太師尚書
令兼中書令定王允良之曾孫蘓州觀察使吳國公宗
絳之孫母賈氏元豐八年八月壬午生元祐元年七月
丙寅卒九年二月己酉葬河南永安縣謹記

昭州防禦使女墓記

昭州防禦使仲玉第六女贈太師平陽郡王允升之曾
孫贈保寧軍節度使東陽郡王宗悌之孫母曰樂平郡

君王氏元豐七年十一月壬寅生元祐三年十二月辛巳卒九年二月己酉葬河南永安縣謹記

范太史集卷五十四

欽定四庫全書

范太史集卷五十五

宋 范祖禹 撰

手記

傅堯俞 欽之

蘇軾 元祐五年正月乞召還

蘇轍 子由

趙彥若 元考

司馬康 公休 元祐三年薦講官除侍講

欽定四庫全書



范太史集
卷五十五

王巖叟 彥霖

朱光庭 公披

吳安詩 傳正

賈易 明叔 元祐四年兩省同舉御史除殿中

劉安世 器之

呂陶 元鈞

呂大忠 進伯

呂大臨

張舜民 共叟

李周 純之

楊國寶 應之 元祐六年閏八月二十七日舉御史

楊瓌寶 器之

謝卿材 仲適

游師雄 景叔

常安民 希古

王汾 彥祖

欽定四庫全書

范太史集
卷五十五

姚勗 輝中

張耒 文潛

晁補之 无咎

劉唐老 壽臣

廖正一 明畧

郝闢之 希益

吳立禮

張舉 子厚 闕志 趣高 潔詞 學清 瞻甲 科登 第二十餘年
侍親終養 屏居不仕 安恬之節 臣實不如

曾孝純

元祐五年十月二十八日薦館閣

孫賁

錢世雄

元祐五年八月舉陞時權進奏院戶部檢法
官

宋大章

樂京 已卒

丁隲 公默

吳師仁

坦求 元祐五年四月一日三免講乞擢用前此
十科舉講讀

邵伯溫

子文

杜敏求

拙翁

元祐四年舉臺閩清要陞

劉敦夫

元祐四年舉著述科

龔史

彥和

馮如晦

叔明

馮山

允南

陳鵬

圖南

趙伋

思誠

張康國

官饒州教授改官

徐鐸榜及第元祐七年薦學

章元弼蒙之子 公肅紀常極稱其有文 元祐五年薦學官七年再薦

馬涓

朱紱

鄭儵

周行已師正叔

秦覲能文

程遵彥杭簽 子瞻極稱其才云溫公亦知之而口未嘗言

蘇堅衮子 子瞻稱之如程

韓純彥

好學有文申公嘗欲除館職

侯臨

邵光

子瞻稱之 已卒

韓宗直

公揆稱之

王普

王當

李楚

懷州人能文

范致明

應制舉能文

范致虛

元祐三年及第 文甚卓

賀鑄

班行有文

朱勅

遜之元祐六年八月二十七日與公挾同舉御史

王浹

能詩賦

杜常

詩學

王奎

永興通判四方識 久在陝西言邊事甚詳言元祐二年秋西人數十萬點集半年方起至鎮戎城

下五日而去本無意入寇乃梁沁布欲姑以此舉觀人情也三家共一駝載乾糧人甚苦之既無所得自後未易點集沁布更以恩結人心又欲立功以服國人年方三十二

涇原之寇先殺烽子故無斥堠邊吏亦不知六年六月三日

鎮戎之役官軍聚城中不出並聽張之練節制帥臣無所施為李由頤云沁布保護嗣子乃夏之伊霍觀其所為無篡奪之形

趙竦

平呂梁百步洪之險 元祐七年舉公私俱便善治財賦

樂舉

李潛

元祐六年舉臺閣清要

張瓌

游冠卿

雍鈞

蘇嘉

元祐七年舉陞擢清要

石嗣慶

李格

潛之子敦極稱之

孫諤

元祐七年舉臺閣

陳沂

元祐七年舉陞擢

楊宗惠

敦夫

劉處厚

敦夫

唐夫極稱之

趙令時

穎發

子瞻字之曰德麟作字說并書來盛稱

薦館閣

宇文邦彥

傅者

楊阜

王渙之

張東

元祐八年舉著述

商倚

劉羲仲

尹材 處初 元祐四年舉獻納科 卒

張雲卿 伯紀 元祐八年薦學官

陳師錫 伯修

秦觀 少游

陳軒 元興 坡舉自代

孔武仲 彥常

應昭緯

蘇昞

周尹

正孺

卒

李由頤

養正

朱光裔

公遠

陳元直

叔正

陳元紘

張重

子威

吳儔

陳瓘

瑩中

李百祿

祐父

蔡輯

子雍

元祐八年薦學官

陳恢

宋匪躬

履中

宋景年

避叔

家彬

中孺

元祐六年舉臺閣

石景略

蔡肇

天啓

元祐六年舉臺閣

李格非

李徹
擇之

韓宗質

王寔
仲弓

王寧
幼安

徐鐸
振父

游酢
元祐五年舉著述科

田述古
明之

李勇 方叔

張庭堅 廣安人盛僑司業稱之

李純中 師中弟李徽言正叔嘗責堯夫不與換官

鮮于綽 大受

祝康 法家

孫覽 傳師

程之才

程之元 德孺

程之邵 懿父

高士英 子容

范子竒 中濟

劉昱 晦叔

喬執中 希聖

謝綬 喬云論議似從二程淮南發運司

趙屺 景仁 元祐五年十月與兩省同薦御史

范純禮 夷叟 舉自代

趙澤

元祐四年兩省同舉御史

郭駿

已卒

劉當時

叔鄭

富紹庭

德先

田子諒

丁鋌

邃翁

陳陔

孫安

永弟 長社宰 宣德有能政

蘇京

羅適

張升卿

與張宗諤同以茶法勒停

文勛

徐君平

久從荆公學當國時不隨子由稱其文字

李曼

修儒 有吏才 元祐六年薦獻納

字文昌

齡 伯脩

安鼎

元祐四年兩省同舉御史

趙君錫 無愧

鄭穆 閩中 元祐五年正月備經筵

鄭雍 公肅 元祐五年正月備經筵

李栝 元祐五年知洋州回始識

石亘

毛漸 知高郵軍復三十六堰

朱京

楊畏 子安

傅傳師

傳正弟

原明稱之

李君卿

考課第一未獎

張安上

能吏也

劉渙

公濟

元祐五年七月薦博士

李傳

同上薦

張景仁

同上薦

晁无咎稱之

除教授

張咸

元祐五年七月乞免舉應制

司馬樞

元祐五年八月舉賢良

謝良佐

公挾正叔皆稱之

元祐六年舉著述

暢大隱

虞策

元祐五年十月與兩省同舉御史自湖南運判除監察

元祐五年十月與兩省同舉御史自湖南運判除監察

裴綸

元祐五年除御史辭不就

郭知章

陳祥道

用之

精禮學

元祐五年十月二十八日劄乞行其所進禮書元祐七年四月二日又薦乞復為

禮言

豐稷

澤夫

彭汝礪

器資

潘興嗣

晁說之

作揚雄別傳有史才

又六薦著述科

李常

同年襲弟廷珍稱其文與李傅相上下

吳儀

傳正姪極稱其文

許奉世

堯夫薦經行特就殿試注孝經

扈充

元祐六年舉陞擢清要

鮮于之武

元祐六年舉臺閣清要

周錡 廉彥

許彥

處中 教

元祐七年舉臺閣

元祐七年十二月舉官

司馬庭 直孺

王任

叔重

元祐七年舉著述

李晰

邛人 能文

元祐八年薦學官

晁將之

元祐八年薦學官

孫勳

元祐八年薦學舉

劉達

焦蹈榜第二人

李瑞 紀常稱其能文

虞尚 喬希聖舉賢良極稱之

王誼

王發

劉器

之舉賢良

子瞻稱其文

舒煥

吳默

范太史集卷五十五